



12. december 2007

Inatsisartut suleriaasianni § 36 imm. 1 naapertorlugu Naalakkersuisunut imaattumik apeqquteqarpunga:

Naalakkersuisunut apeqquteqaatit:

1. Kalaallit-nunaanni ilinniagaqarnermut aqqissuussinerit sorliit pilersinneqarnerminiit maannamut nutaamik nalilersuiffigineqarnikuuppat? Ilinniagaqarnermut atatillugu aqqissuussinerit sorliit nalilersuiffigineqareeramilli nutarteriffigineqarnikuuppat? Kalaallit-nunaanni ilinniagaqarnermut aqqissuussinerit sorliit pilersinneqaramilli sulililersuiffgeqqinneqarnikuunngillat?

2. Ilinniarfinni pineqartuni ilinniartitsisut qassit, uvani Atuarfitsilak ilanngunneqassanngilaq, ilinniagaqarsimasuunngillat, tassa Kalallit-nunaanni ilinniarfinni ataasiakkaani ilinniartitsisunut tamarmiusunut naleqqiullugit? Matumani kissaatigineqarpoq nunatsinni Piareersarfinni ataasiakkaani ilinniartitsisut ilinniatitsisutut ilinniarsimanngitsut qassit sulisorineqarnerisut nassuiarnissaat kissaatigineqarpoq.

Naalakkersuisut apeqquteqaatinut akissuteqaatissaminnut nunatsinni ilinniarnarit, tassa uvani Atuarfitsialak, Piareersarfiit, soraarummeernissanut misilitsissamut piareersarnermi ilinniarnarit aammalu qaffasissumik ilinniarnarit assigisaallu ilaatinneqarnissaat kissaatigineqarpoq. Kiisalu kissaatigaara Naalakkersuisut nassuiaatearnerminni tamakkua kisitsisitaat ilaatissagaat.

(Inatsisartunut ilaasortaq, Marie Fleischer, Demokraatit)

Tungavilersuutit:

Ukiut ingerlanerini maani Kalaallit-nunaanni ilinniartitaanerit arlaqartut inuusuttortatta arlalis-suit siunissami atorfigiligassanimmut ilinniarnarannut atatillugu annerusumik minnerusumilluunniit sunniuteqartuusimapput. Nunarpullumi namminersortunngussappat ilinniartitaaneq tassaavoq aqquutissat pingaarnersaat.

Kisiannili ilaatigut unittoqartariaqarpoq taavalu suliniutissatut aallartitaasut nutaamik nalilersorneqarnissat pisariaqalersarluni. Suatungaatigununa aqqiisariaqartugut. Suunukua aqqqivigisariaqarigut, aqqitassallu qanoq aqqittariaqarpavut?

Tamakkua tunuliaqutaralugit matuma siuliani allaqqasut apeqquteqaatigaakka, tamatumungalu atatillugu Naalakkersuisut qinnugerusuppakka apeqquteqaatit tigneriniit ullut suliffiusut qulit qaangiutsinnagit akissuteqarfigeqqullugit.